



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-05-1210-10/19  
Sarajevo, 28.03.2019. godina

**SKUPŠTINA KANTONA SARAJEVO**  
**-Služba za skupštinske poslove-**

**PREDMET** : Odgovor na zastupničko pitanje

Zastupnica **Bibija Kerla** je na Četvrtoj radnoj sjednici Skupštine Kantona Sarajevo, održanoj dana 30.01.2019. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila je zastupničko pitanje:

**“Interesuje me koliko Zavod zdravstvenog osiguranja ima komisija i koja je svrha njihovog postojanja”.**

**Uz pitanje je dostavljeno i obrazloženje.**

U vezi sa postavljenim zastupničkim pitanjem dostavljamo slijedeći:

## **ODGOVOR**

Ministarstvo zdravstva Kantona Sarajevo je dana 19.02.2019. godine, dostavilo zastupničko pitanje sa obrazloženjem Zavodu zdravstvenog osiguranja Kantona Sarajevo i zatražilo odgovor na isto.

Dana 14.03.2019.godine Zavod je dostavio odgovor akt broj: 01-01-A.S-6859-I/19 od 22.02.2019.godine. Obzirom da dostavljeni odgovor nije dao u potpunosti tražene podatke na postavljeno zastupničko pitanje, ovo ministarstvo je dana 18.03.2019.godine ponovo zatražilo odgovor, na koji je Zavod dana 25.03.2019.godine dostavio ponovni odgovor, akt broj: 01-01-A.S-11345-II/19, koji Vam dostavljamo u prilogu.

S poštovanjem,

Pripremio:

Mr.sci Amra Hadžimuratović Čustović  
Stručni saradnik za zdravstvenu zaštitu



Kontrolisao:

Dr Alma Kadić - Pomoćnica ministricе



**MINISTRICA**

**Prof.dr sci. med, Amela Sofić**



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



ZAVOD ZDRAVSTVENOG OSIGURANJA  
KANTONA SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 72 52 98  
e-mail: info@kzosa.ba



INSTITUTE FOR HEALTH INSURANCE  
CANTON SARAJEVO  
Ložionička br.2, Sarajevo  
Tel. +387 33 72 52 00  
Fax +387 33 72 52 98  
e-mail: info@kzosa.ba

Broj: 01-01-A.S.-11345-I/19  
Sarajevo, 25.03.2019. godine.

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo zdravstva  
Reisa Džemaludina Čauševića 1  
71000 Sarajevo

VEZA: Vaš akt broj 10-05-1210/19 od 18.03.2019.

Poštovani

Shodno vašem zahtjevu iz akta veze, koji se odnosi na zastupničko pitanje zastupnice Bibije Kerla o broju i svrhi postojanja komisija u Zavodu, obavještavamo vas da su u Zavodu formirane dvije Komisije sa eksternim članovima:

- Komisija za odlučivanje o pravima osiguranih lica u drugom stepenu koja je formirana na osnovu Zakona o zdravstvenom osiguranju Federacije BiH („Službene novine FBiH“ br. 30/97, 7/02, 70/08, 48/11 i 36/18), kojom se obezbjeđuje dvostepenost u odlučivanju i koja odlučuje o žalbama osiguranih lica uložanim na prvostepena akta Zavoda. Komisija se sastoji se od 5 članova od kojih je jedan predsjednik i četiri člana. Naknada za predjednika iznosi 200,00 KM, a za članove 150,00 KM i ista se isplaćuje na osnovu prisustva na sjednicama;
- Komisija za odobravanje pomoći za liječenje u inostranstvu, nabavku medicinskih sredstava, liječenje van ugovornih zdravstvenih ustanova i za medicinsku rehabilitaciju na osnovu medicinskih indikacija i preporuka ovlaštenih ljekara, formirana od nekadašnje dvije komisije a na osnovu Uredbe o obimu, uvjetima i načinu ostvarivanja prava osiguranih lica na korišćenje ortopedskih i drugih medicinskih sredstava, endoproteza, stomatološko-protetske pomoći i stomatološko-protetskih nadomjestaka („Službene novine Kantona Sarajevo br.38/07, 29/08 i 40/14) i Pravilnika o odobravanju novčanih pomoći osiguranim licima Zavoda zdravstvenog osiguranja Kantona Sarajevo odjucuje o zahtjevima za pomoć u troškovima pruženih medicinskih usluga u inostranstvu koje nisu mogle biti pružene u ugovornim zdravstvenim ustanovama, nabavke medicinskih pomagala i sredstava koja nisu definisana pomenutom Uredbom, pruženih medicinskih usluga koje nisu mogle biti pružene u ugovornim zdravstvenim ustanovama, medicinske rehabilitacije na osnovu medicinskih indikacija i preporuka ovlaštenih ljekara. Komisija se sastoji se od 5 članova od kojih je jedan predsjednik i četiri člana. Naknada za predjednika iznosi 200,00 KM, a za članove 150,00 KM i ista se isplaćuje na osnovu prisustva na sjednicama.

Pored navedenih, u Zavodu je u cilju efikasnijeg ostvarivanja prava osiguranih lica, formirane četiri interne komisije čiji su članovi radnici Zavoda i koji u okviru redovnog radnog vremena i radnih zadataka obavljaju definisane poslove bez naknade, i to:

- Drugostepena ljekarska komisija koja odlučuje o prigovorima uložanim na nalaz i ocjenu izabranog doktora odnosno ljekarske komisije kojim je odlučeno o pravu na prijevremenu spriječenost za rad;
- Komisija za lijekove koja u skladu sa Pravilnikom o priznavanju troškova nabavke lijekova koji nisu obuhvaćeni listom lijekova, predlaže visinu refundacije i vremensko trajanje prava na refundaciju;
- Komisija za odlučivanje o pravima radnika Zavoda odnosno zaposlenih u javnim zdravstvenim ustanovama u slučajevima teških bolesti i invalidnosti;
- Komisija za lajnere koja u skladu sa odredbama člana 23. stav 1. tačka 2. Uredbe o obimu, uslovima i načinu ostvarivanja prava osiguranih lica na korištenje ortopedskih i drugih medicinskih sredstava, endoproteza, stomatološko – protetske pomoći i stomatološko – protetskih nadomjestaka („Službene novine Kantona Sarajevo“, broj 38/07, 29/08 i 40/14), kojim je regulisano da osiguranom licu, kojem je uz ličnu doplatu, izrađena potkoljena proteza iznad standarda koje obezbjeđuje Zavod (silikonska proteza sa lajnerom) može se u toku korištenja proteze odobriti do dva lajnera, kao potrošni materijal, predlaže odobravanje istih.

S poštovanjem,

Priprema

Stručni saradnik za zdravstveno osiguranje

Zdravstveni stručnjak, mr. med. iur.

Šef kabineta

